

玄天上帝啓聖錄卷之八

沈

元晏悟化

潭州年例衆戶率錢起置三月三日四月八日六月六日八月十八日放生社會康定元年三月三日伏值真武生辰預先收買飛禽水族等活命籠器盛貯於祥福宮至日過市迎引臨大江讚說放生其飛沉之物或向空復墜或水面仰浮社衆用人撿拾逐一取看爲飛禽者或被膠網粘單弓彈獵射各有傷折爲水族者被罾釣張取籃羅採捕鱗甲頭尾皆有破損衆皆慘然候齋罷散分靜僻郊野且得城市之人眼不見矣社衆回宮赴齋宮主道士周元晏升堂講演真武經一遍時會中忽有雲遊道士請問周元晏曰幸對十方海衆在此證明願垂開示此會因緣使學人有所解悟元晏云潭州一歲有此四會今日此會乃是真武靈應真君生辰外有四月八日是釋迦佛生日六月六日即東嶽泰山學命府君生日至八月十八日乃是四海九江龍君神母慶會東海校量水族之辰並收

買禽魚活命等物出籠入水名放生會學人進曰非名放生則是故殺誣殺昧殺會殺元晏曰何謂也答曰既不是殺其今日放者皆不飛不躍何也飛禽本生於林野魚鼈蜆蛤皆產於江湖二等乾濕性命與人無異除當死償人厨食湯火之債自有受者還知因有此會致令物命屈死者多故使愚下之輩不避罪業祇圖眼前財利百般計校日夜打捕守待積聚饑餓迫切萬無十生十無一活設有存者皆傷中之物是爲故誣貪昧等殺逆年如此實是造業何謂化生况真武乃高天北極正直治世福神豈受人間私殺爲獻元晏無對遂下座揖留其道士欲詢姓名不覺隱去更無蹤由當時却見所收放不去禽魚等物就籠器中各變白光向空而去社衆咸觀知是真武垂慈愍惻生命親自降靈廣施教化誠其殺害潭州從此罷放生改爲施貧會時知州陳襄申奏承朝旨將此事爲驗送有司刪制放生爲殺害無益誠文印賜臣僚及官觀寺舍遵依奉行

王袞烙鼈

宿州有比部員外郎王袞受太平州蕪湖知縣賦性剛執貪嗜滋味常將活鼈用火烙生取其肉却入磁器烹饌有男長修累次與母親勸告誠食終不允從忽值三月三日縣坊興集放生迎引社會往朝元觀獻紙王長修往看問觀主道士承子堅曰多見放生社會就四月八日於寺院興集何爲三月三日却來道觀集會承子堅云三月三日乃真武降生之日普通善識於是日如法供養俱放鱉魚鼈鯉之類此是真武大避之物緣鯉魚屬北方癸化至夜朝北頂盤七點鼈如神龜鱉類聖蛇放此三物表無殘害之心各要懺罪消災求恩獲福長修聞此歸說與母轉告其父袞一向執迷不從諫勸長修潛於承道士處轉求真武畫像及傳下降避諱等式歸家與母親妻兒別置一室供養漸至年深王袞轉駕部郎中充邢州巡轄獨往赴任將至中路於馬前見一道人曰公莫是駕部郎中王袞前赴邢州此去正是郎中員命之處袞欲

再問道入潛身不見哀屈邢州思慕魚鼈供
厨緣邢州不產此物遂至決責從人無明杖
楚自後染患漸至經纏醫理不差忽夜叫言
被無數帶殺水族街冤纏繞索命咽喉喘躁
四肢痛楚坐卧不得死生無門因此痛悔中

不覺右手五指上如被物咬疼不可忍忽失
聲叫真武真君一聲覺氣壅喉膈遍身極冷
漸有喘息良久氣和乃云哀為性剛執自小
好食火烙龜肉不依妻兒勸誠供養真武後
受此差至中路遇道人言前去是負命之處
哀愚頑不悟遂遭此疾痛楚難忍又覺於迷
亂中急連稱叫真君求救忽覺其身在一山
上見真武真君前列數行負火刀鼈類街冤
索命真武遂指哀曰汝恣殺物命以充口腹
冤家業鬼相隨無由解脫汝被天地水三官
下降察知罪犯擯折二十年壽祿合於邢州
身死緣汝有妻兒刻苦齋心事吾香火晨夕
發願懺悔祇為汝殺害啗食之故已為中上
三官令特與汝解釋所殺物命一一令託化
轉生水府永無執對仍與汝奏錄重注壽祿

如故衣裳真武投記病苦頓消因錄奏聞朝
廷陳請致仕誓誠董殺修奉香火看誦真武
妙經十萬遍并寫道藏經典捨入東京太清
延福宮

華氏殺魚

興化軍程嗣昌少為商賈性剛氣傲不崇三
寶不親鄉友眾皆嫌惡嗣昌實買不使輕重
斗秤不虧他人價直不曾用心秤量人物不
厭烹炮少食活物偶客於密州板橋郊西鎮
此地多食鷓鴣鳩喜鴿每日街市煙剝無
數因出郊遊行見人或擊鷹鷄或挾弓彈或
張網羅不忍觀之回歸城中夜靜露天於星
斗之下發心蔬食命工刊板印施戒殺圖一
千本適值十月上七真武下降乘此聖力普
願人心回改有稅務攔頭彭景最是喫酒
肉之人亦受一本歸家讀向妻子華三娘却
生嗔怒用手碎塔棄於穢濁之中次日華氏
買一黑魚方用砧刀如被人把定雙手其魚
跳起尾稍刺入眼中如中一刀滴血在地化
為蟲蟻沿上牀席啞管華氏面上鎮市傳播

祇因不敬誠殺圖文立受惡報忽一日彭景
酒醉於市中見嗣昌便出言毀罵稱板橋自
來無人誠殺亦自安樂你是興化客人亂施
文字壞却我妻一目用手拖拽嗣昌意欲作
鬧嗣昌脫走歸房思悔時監鎮向執與巡檢
宣旦聚廳見嗣昌脚懸地面三寸許浮空行
立於廳前附神而語吾是真武真君向執等
備香設拜蓬蒙降言吾見此地居民累劫好
食飛禽葷障深重有興化程嗣昌印施誠殺
圖是為最上善行祇令華三娘不能信受因
殺黑魚反害其目不獨此人受報凡好食生
命不悟因業等人難免殃咎嗣昌恍惚化去
不見形影方行詳究忽據鎮廂申報客人程
嗣昌無病身死監鎮等聞之驚歎華三娘患
眼在牀纏綿半載方得命絕向執與宣旦得
替歸京將此因緣鑲板印施勸誠殺生仍終
身崇敬真武香火致上達聖聰蒙宣向執臨
見逐一聞奏奉聖旨贈送有司照應曾謚真
武靈驗云三元一神通應十門焯赫光祥咸
真滅殞

朱氏舍利

袁州有左班殿直充均州監稅朱良恭到任一年身死家貧無兒秋有一女同母挈喪還家不逾年母亦死其家祖來供養真武其女朱氏為鄰里求親並不以為意鄰里等人却誹謗毀其不正之事朱氏遂於真武前發誓至死不嫁人願得一患在身為殘疾之人方絕外求年四十忽雙目失明亦不召醫從此無人求親天聖六年九月九日身死既無親屬官司須當檢視袁州據司理趙平取覆其朱氏屍首不容檢驗前有烏龜後有赤蛇沿身遮護時知州何珪通判王堯臣親見此異事遂召僧道祈告欲退龜蛇即為殯葬其龜蛇轟然不見差四鄰買棺盛貯尋問侍婢陳菊香據說因被人求親逼抑不允將事誹謗以致發誓不願事人逐日禱告真武降靈為兒照祭因失双目不久無疾而死肉體顏色與生無異臨終時執言將我屍就壬癸方火化何珪契勘九月九日正是真武下降之辰朱氏偶然而死有龜蛇衛身稱化於壬癸方

切令依從焚化纔發火其朱氏化身於雲端告衆云兒今不入六道轉生於沂州劉籍家不二十年但記有劉生名播天下見有非毀兒身不正之事任一大焚之乃可辨認告辭而去火過帶有五色堅固舍利光明燦然衆皆求請供養向者亂生誹謗等輩並口患難痔膿血臭穢各詣真武殿哀告懺罪漸獲安愈袁州人家迺相戒忌非飾口過受持真武香火太守具奏朝廷承回降下沂州勘會屯田員外郎劉籍妻九月九日丑時妾生一男事無虛冒准中書指揮本州支官錢就天慶觀真武殿建醮并就元北方化處權立照應准備向去檢認異迹施行

梁公冠簪

磁州有倚郭清泉女冠道宮戒行清修磁人敬仰與天慶觀相通磁人凡有醮筵法事者誦經卷俱請清泉宮女冠為天慶觀道士妬嫉買囑群小逐日攔截宮門繞見有人入宮請召修設遂來攪擾兼起謗言因此漸次無人來請召修設有女冠梁寂真年十七歲曾

授北極法錄持課靈感遂早夜發香對真武像前哀訴伏願速彰報應尋有刑部員外郎黃勉新知磁州赴任將近城夜宿平原鎮驛夢見一人紫袍金帶稱吾是清泉宮北極殿掌籍判官為見磁州知通佐官皆不歷事惟務欺曲且如清泉宮見被天慶觀道士妬毀阻絕禮信如明公到任須治此枉屈黃勉驚覺記錄到任兩月餘偶過清泉宮入謁北極殿細認著紫判官顏貌似前夢中之人黃勉歸衙遂指揮軍巡等言與清泉宮事件限半月要見公事將及限滿有村落社衆六十餘人年例來清泉宮建保田蠶法醮其夜復有浮浪之人結集成群趕逐社衆被軍巡捉到莊花三等十四人押下訊問及勾到天慶觀道士陳有章二十六人勘招州司量與科斷惟首惡陳有章并莊花三並與編配表裁黃勉又夢前日判官告說為天慶觀亦是奉安北極四聖香火若將有章決配有玷吾教不須申奏朝廷黃勉遂令結案疎放陳有章其莊花三編管別州不久梁寂真染患瘡瘻臭

穢身死葬于東門外官地經半年因通判蘇應之出城相度審務聞臭穢襲人其地皆稱清泉宮莽梁寂真在此蘇應之立進清泉宮主首姚寂冲等移往僻處藏殯便令開土但棺蓋浮懸一道不見屍首祇有冠簪一條及赤蛇碧龜在內所是臭穢變為異香應之焚香拜謝遂取龜蛇齋見黃勉因詳梁公在生崇修真武香火故得尸解之道獲顯龜蛇異事宜送清泉宮真武殿供養三次送入殿三次相纏出門泉外張口有傷人之意黃勉即焚香禱祝莫是別要添置香火待奏朝廷別立殿宇其龜蛇即迴旋入殿一陣風起龜蛇不見本州閩析保奏續降指揮令守臣支上供錢如法建造真武殿并立梁寂真祠堂贈通應妙化仙師自後本宮興隆教法大振

天地垂鑒

廣南賓州衙宇有伏屍精怪前後官負不肯注授非自身染患則兒女死亡雍熙中有禮賓副使楊從信一生慕道書符篆錄為人救治瘵疫侍奉社極四聖香火各有感應繞到

任三日屬官來問可就延福禪院寢饋緣州衙多有不祥切恐深夜驚動從者從信既感真靈護身祇於州衙卧處備新果茶酒淨水等取隨身真武供養至夜戌末亥初用黃絹一丈二尺用辰砂書篆六丁神將追魂錄一道奏告真武禱祝畢隨紙錢燒去供養經七晝夜州衙安然皆無驚怖至第十日從信亦無響報再懇真武願速報應當夜二更聞窻壁震動如風雨聲燈燭皆滅或見電光閃爍良久平定五更二點從信聽得有人敲房門從信起身潛窺見供養真武燈火如初於案前有一艷粧婦人叩憲叫言念兒是周朝張忱侍郎之女聘與賓州刺史姚文吉此人寵信偏婢范香春同謀將兒用練帶勒殺就本房掘地坑埋不久姚文吉等去提領修築潼關為事不端遂被群馬踐向山坡寸骨不收今兒身沉墮於此魂魄常守其尸不得解脫今因禮賓禱祝真武差六丁神將同城隍土地搜捉兒去押送風吼囉山展轉沉為下鬼兒告言冤屈事理蒙真武慈憫特與授記得

超人天切念兒尸尚在東房南邊壁下約深六尺若得出離便得超生今未懇告為兒作主從信候早令人斂掘果有全副骸骨取出用楠木盛貯於延福禪院齋寮州衙從此安靜從信因勸諭世人親敬上真香火以求保護之福且謂善惡無門惟人所召若平等無欺天地垂鑒况有妖魔敢為禍患凡為人但心慕大道敬奉天地動止之間神明衛護何懼邪崇惟供養真武即獲正道永鎮群魔迎納嘉祥門庭清靜於是賓民悉皆承稟無不虔恭後從信歸京差充皇城內巡檢兼允官令官偶陪御祀祀家神因奏此奉聖旨送有司勘會賓州舊無官觀宜令轉運司相度限五年建官觀二所選道士焚修官給錢糧供贍持賜福聖并乾熙觀為額

神靈奏舉

東京咸平縣戶部侍郎裴宗敏有三子彦先彦修彦和俱受父蔭彦先謹愿敬奉道法其彦修彦和操心欺曲豈顧天地當入京注差又應舉惟彦先往崇福觀真武殿焚香求告

願保扶諸弟同預科擢得黃真君第四載詳其籤意乃兄弟憂戚之兆遂言與二弟各宜謹守而彥修彥和反致嫌責云我等之命何為取信於泥裝塑畫後各就試彥修彥和不中惟彥先獲薦及弟授大理評事守明州推官彥修注賓州遷江縣尉彥和授全州監酒彥修彥和從此嫉妬見兄應中高科皆怨天地無平等主文不擇藝能心憤自兄赴任明州不惟廢罷香火後二弟亦各赴仕臨行又將家堂供奉

三浦諸天星頓等焚棄而去彥修赴遷江縣尉到任兩月因巡捕海寇孟軍三等被伊捉去不殺割下舌尖放還彥和赴金州監酒二年虧欠課利四分蒙按察奏劾委官攝勘詐稱患死兄彥先於明州具狀遞申朝廷願納官罷任贖弟過愆續蒙回降候任滿別聽指揮彥先在事公正吏民贊揚知通及提轉等司皆同罪保舉又蒙中書指揮候裝彥先得替到京令有司引見莫測聖意及至朝見奉問裝彥先始末有何內學奏云臣自祖以來

崇敬神天香火不絕別無內學聖旨云因去歲九月九日夜寐忽夢家政堂福神真君顯助保舉卿之名字言卿有柱國之功常懷忠孝又稱你有二弟雖為命官此乃欺國亡家之人不宜委任天籍注定合勾鑿姓名不延壽祿以顯彥先行與道合上應神靈下至朝臣例皆奏舉其彥修彥和行迹不善神祇降災為善為惡無非顯報使人長之誠之裝彥先富殿轉授太子中允賜緋知洪州豫章縣事

聖井辨異

懷州開縣脂鋪謝景元景修兄弟好遊冶弟慕崇信本家自祖有家堂真武凡事祈求無不感應景元耽酒博家計漸壞乃思景修常言家堂真武靈驗因懇告云今欲與人賭錢保當贏他人財物須得吉致果次信用贏得一二百貫後復懇求吉兆而去輒輸一百餘千發怒歸來將真武堂盡皆拆棄景修再自修完後景元賭博日輸種種不利轉生怨恨一日景修上京販賣其兄毀拆聖堂其

本像用刀碎劈棄向井中景元三日後忽患遍身瘡癩膿血滴瀝死活不能景修在京夢一小童披髮跣足渾身俱黃頭戴石盤枷大哭告云手足皆傷疼痛不任近看却是數塊損碎黑木頭遂驚覺起來自省家堂真武必遭毀壞遂歸懷州見家堂委遭毀壞元病惡瘡在牀雇匠者修蓋及下井取真武木片糝成全身不期此井汲上水漿色如琥珀別有一般香異傳聞州府時知州史館馬荀聞此奇異是日率州官來景修家令人汲水辨認見香異非常及其述景元受報見患惡瘡馬荀令汲一盞井水與景修喫飲水罷雲霧四合見景修空中立身彩雲遮擁仙鶴前引揖謝馬荀及辭眾云今朝見金闕白日上昇馬荀備奏准御札令懷州別造官屋允檢謝景修連并屋基破以省錢修蓋謝景修真人上昇觀一所及蓋殿宇奉安聖井不許汲水或遇民間疾患許汲救治特賜聖水觀額每歲撥恩澤披戴焚修道童二人仍賜莊田房廊錢充常住所有兄嫂一房盡歸景元存養

自後家業熾盛一子及第後代異事也

焦湖報惡

淮西巢州居民不論貧富競好嗜豔不顧腥厭觸犯天曹日月昏暈星宿無光乃有九天採訪使者檢察上奏遂感

玉皇勅命

北極紫微大帝及天地水三官獄神取問巢人罪業已積得何所報北極奏云此地歷劫貪殺四足水族冤魂相執既合償還須連地扯除滅俱令解脫

玉皇告北極曰衆生惡積信不可容合傾城蕩為大洲方得清淨於是

北帝宣告真武曰汝為三界遊奕察人善惡奏注福罪豈不知巢州積劫以來好殺龜鼈此乃厭觸上犯

玉帝勝遊罪惡不該赦宥令此一州溺為水橋汝宜謹之急速奉行真武奏

北帝曰巢民雖有重業未必俱是殺害水族之人若槩行傾陷終負冤枉容臣會問等第而行真武遂令從官天罡神將化為大鼈浮

遊巢漢漲塞市橋時州官遣吏為轄就水宰肉分俵郡官其次巢州皆得肉啗於是天罡回報真武巢州城土委合化為大水雖變為大魚死浮要處全不擇腥濁悉皆分食真武歎曰此地衆生罪業彌深不可救度真武自

化雲遊道士降下巢州求化淨水前後經遊七日民間遊行悉皆腥穢穢器無一淨處行至小巷獨有一家見一老嫗復前求水嫗以椀盛水與與乃問婆婆何姓作甚生業婆曰姓焦本為吳人寄居此二十餘年賣粉食為

活家有一男一媳婦共三口道士問曰汝家水椀因甚不腥婆曰自到巢州為見人兇地惡家家好殺水族不知罪福老婆戒殺食素其水并椀皆得清淨道士告曰吾非凡人乃天神也念汝有善業故來化汝不久巢州有

洪水汝急携子走避未委汝身要何果報吾有三事汝當選取一願一欲子孫為官食祿二欲便獲富有榮華三欲永受香火欽崇任取一意婆拜曰何敢過求富貴若得久遠一炷香火不絕祇此是願真君曰汝今每日早

晚上州衙門側看石碑下一石龜若見龜眼俱赤急携子及婦出南門去逢見聖女山即住真君言訖化白光不見焦婆從此逐日上州衙門看石龜眼將及月餘人謂焦婆風狂被人戲謔用朱色抹其龜眼皆紅焦婆觀見

石龜眼赤領男并婦走出南門奔馳十里有山名聖女焦婆上山回顧巢州遙見洪水四合浩渺無際忽於雲中見一神人披髮跣足著昏黑袍形相與求水道士無異叫云焦婆其水屬汝所管祇此得香煙不絕屬付隱隱

而去焦婆令其子緝草為舍自忘寢食晉朝聞本陷巢州差官訪問四遠莫知所因遙望聖女山獨有一家官吏上山來見焦婆詢問因由具奏先賜供給焦婆口食仰鄰郡逐時送給不久焦婆并男婦相繼身死朝廷立廟

封為靈顯聖母及命其水從聖母本姓謂之焦湖四通船舫至今祭真祈禱無不靈驗今屬淮西路無為軍巢縣四接廬壽舒和等州通運參詳報應善惡甚明巢州周回二百餘里為洪水所陷改巢源為焦湖中存聖女山

特封焦婆號靈顯聖母後為風浪四起漂溺舟船官民祇以恩願祈請聖母而已其風濤兇猛轉惡有行醫老母在西晉城進狀稱是焦湖植利之家為見焦湖風浪傷溺人船官司惟禱於聖母殊不知聖母本塵俗人祇因戒殺就食遇真武獻水清淨發聖為巢水土地蒙國家改名焦湖封號靈顯承此天地之恩尚未能報何為却與風浪為害蓋是舊日巢民報償水族冤魂相執卒無解脫所以造作毒風惡浪競傷人船迺相報對如要消伏除是真武可以救此言訖忽然不見晉朝看詳投狀老母乃是焦湖土地靈顯聖母化身報說當急速依應行遣尋差使命并道士同往靈顯廟啓建道場獻御香奏懇真武祈請風浪不生往來寧靜道場經一月焦湖風浪頓息使命欲回忽於雲霧中現一符吏曰臣是中原直符受真武將軍差報官家焦湖波濤是巢州殺害龜鼈酬償竟執不能解脫致與妖禍今朝廷禱祈平安已蒙真武面奏壯極因朝

三清得

五皇勅旨并降吉祥甘露已將焦湖惡報冤鬼與水族等解結洗滌並送東嶽泰山府及地府冥司係名收錄量度輕重報盡受生焦湖今得平息直符遂退時晉朝再遣使降香建醮於聖女山其人報謝天地仍就山建真武殿勅賜為額并加贈靈顯順聖之號

虛財化礫

韶州明陽宮有洞天名青羅福地昔神仙張嶽修真之處迺年於五月五日正午時有雜色飛鳥俱來洞前飛舞喧噪人謂眾禽隨鸞鳳來儀因作散禽齋會培率錢物置備紙馬以此名目懺獻諸天星宿燒過紙贈積聚天曹無名收寄致蒙

此極紫微大帝問殿前四聖神將時真武出班奏曰此非天曹合收係韶州明陽宮詭詐規取稱有鸞鳳來儀誰達天曹又蒙帝問若明陽宮五月五日奏獻不實因何是日諸禽飛聚真武復奏曰此日午時係臣下降到彼諸禽競來受臣法氣解結披毛宿緣重業所

以辨躍嗜噪而去帝曰天曹將無名紙馬收受將作何用真武奏云可行下東嶽椿留支用來年必無人燒獻其明陽宮次年復會四遠人民盡至洞前聚集過申百無一翅來忽有一擊頭道人用手指定宮門默然而立繼令人召到却言令歲飛禽不集社會永為罷去仍告與前項因依教本宮向去五月五日中午時就洞前焚香求禱真武真君解穰累年虛名率財冒達天曹罪若不信三年內看有報道人起身入青羅洞更不見出宮門不信次年又率集其會群飛又不至及三年是日因化紙狂風吹起紙火從庫堂沿燒約二時間宮庭化為瓦礫之地韶州收錄住持道士張安象勸招前項故違聖諭致遭天火具奏取裁准中書指揮五月五日早朝據司天臺奏觀見天行飛火合燒韶州背逆正道宮觀及有內臣凌招慶附神降言真武亦報火燒明陽宮為從邪惑眾率財非用積犯天曹化論不改今奏到事理合其應驗所是明陽宮更不立額祇建真武殿并小道院別選羽士

十人焚修張安象特免決還俗踈放合行闡告諸路道俗今後稟信天地無令有背正真之道

假燭燒塵

南安軍開隆觀元是太上無極淨虛天主祖氏宅基緣南安居民惟崇真武每至下降盡來燒獻香紙燈燭等觀前有一雜貨鋪本觀凡有會設合用物件皆於此鋪收買惟用蠟燭尤多却將臭穢牛脂觸朱破布偽作真淨蠟燭出賣不惟煙氣薰觸上聖兼祭賽求福反求穢瀆被星辰天具及獄瀆神明奏達三清玉皇暨天皇北極令下天曹諸司檢擯忽一日看真武殿香火行者夢一神人報云觀前賣蠟燭者曾三世為人世世惡業今姓黃名禹猶賣穢脂假燭觸犯天曹罪惡貫盈永失六道合為微塵今係佑聖院真武管察善惡既受天符以報黃禹之罪明日當自知之行者驚起告於道眾言猶未畢黃禹店前有一老兒商量買燭十條要獻天曹須是真燭可矣黃禹

怒云我二十餘年賣此燭盡獻天曹何故云假今先買一條取火點着不覺驟風起吹火焰沿燒屋宇老兒亦自不見其黃禹因食救物致令火逼燒為灰塵經一時辰獨燒此家不留分文至火滅店內有一大柱不曾灑火

正面如斧劈一片上有天書隱記士人道流俱來驗讀並知是真武真君聖迹官司令人用紙筆抄錄繞了其柱又從裏面火出燒盡其意與觀中行者昨夜之夢相似通露罪惡詳此情由速招果報南安軍太守不敢隱蔽尋錄一宗事情申奏朝廷蒙着詳批降人之處世善惡由心善事如江海潮波來無形影去無根源惡有速報如天地產物是處皆應可不謹之宜下南安軍依此立石碑於觀門以顯真武垂報無差仍布告中外以戒永世

叙功賜銜

初寶應閣惟神陰相克示顯靈宜可叙功特賜真武永充定國無礙慈悲家政殿授上街玄初鼎運上清三元都部署九天遊奕大將軍左天罡北極右垣鎮天真武靈應真君奉

先正化寂照圓明莊嚴寶淨齊天護國安民長生感應福神智德睿睿文武定亂聖功慈慧天侯

水之精贈

同德佑理至應大道顯明武濟陰盛翊聖左

正侍雲騎護國保寧輔肅玄初太一天大將軍

軍

火之精贈

同德佑理至惠誠重感慈普濟陽辯武聖右

正侍雲騎護國保靜輔肅守玄太一天大將軍

軍

封贈如前奉

御製讚入閣謚為策寶

萬物之祖 盛德可委 精貫玄天

靈光有燁 興益之宗 保合大同

香火瞻敬 五福攸從

玄天上帝啟聖錄卷之八